

皇朝實錄

三十一冊

大清世祖翊天隆運英睿欽文大德弘功至仁純孝
章皇帝宴錄卷之五十五

順治八年三月戊寅朔

上御太和殿賜遠賴喇嘛使臣宴 加恩貝子碩爾
瑪洪兄子塞克圖塞勒伯杜爾霸俱為三等輔國
將軍 授乳公邁堪滿多禮三等阿達哈、番喀
喇拜他喇布勒哈番 授滿闡白爾黑喬拖沙喇
哈番以修

昭陵工也

壬午

先是搜獲英王藏刀四口刑部不啟奏于
上但告知碩翼親王端重親王敬謹親王交與
御前包衣昂邦

上覺之謂罪廢英王藏刀四口事部臣何不擬議處
不完結當治罪下諸王固山額真議政大臣於是
僉議將罪廢英王藏刀四口事部臣既告尔等何
不奏

上又不議罪何濟納葉思赫在內行走欲用在內三
百婦人暗掘地道与伊兒子及一切腹心人同謀
約以某日某時出獄此事豈細渺耶如此大事不

以奏

上尔等私自料理將以何事奏

上尔和碩翼親王乃承襲父爵應仍留親王罰銀五
千兩降和碩端重親王和碩敬謹親王為郡王各
罰銀五千兩三王俱停其理事刑部尚書固山額
真公韓岱侍郎吳喇禪啟心郎額色黑將犯罪英
王藏刀四口事止告理事三王不行奏

上不行議罪尔等既任部事此等重事情應勸其
奏

上乃特已向王說遂尔完結公韓岱應削一世職罰

銀一千兩吳喇禪額色黑各削一左賤贖身英王
前犯大罪

皇上從寬免死給與三百婦女一切物件僮僕牲畜
金銀養贍尚以為不足仍起亂心藏四口坐此止
給婦女十口及本身所製衣服其餘人口牲畜金
銀一切物件俱行追取該部從外邊給與飯食養
贍降傳勒赫勞親為庶人照舒孫阿喇塔例給物
將傳勒赫給與和碩承澤親王勞親仍番和碩
親王處議上奉

聖旨依議結案傳勒赫勞親着察照舒孫阿喇塔
案給與及祭檔時與伊等教目原不曾載乃詢之
舒孫包衣人吳巴泰吳巴泰云給我者各十丁六
牛庄二所此外滿洲男婦四口漢人男婦四口女
子二口馬十匹被二褥二毡一及隨身衣服別無
他物啟奏于

上奉

聖旨既免伊等死令其効力如何照此例給着給傳
勒赫勞親滿洲男婦二十口蒙古男婦二十口如
蒙古不足以漢人補之舊漢人二十口奴僕之奴
給二十口以下大莊屯五所園地一所驕馬三十

匹牝壯馬共七十匹駱駝十頭牛五十頭羊五百
隻婢妾二十以下全給已製衣服全給銀盆一銀
茶桶一碗十碟二十盛盞小碟十背壺二杓二匙
全付茶碗十勺十張玲瓏撒袋一付素撒袋二付
鍍金刀三把靴帶涼帽靴布疋羔皮全給玲瓏鞍
一付漆鞍七付皮鞍十二付小圍帳房一座毡全
付其餘細物全給一切嵌東珠物件黑狐氈帽松
子石湖珠東珠青金石念珠金銀緞疋貂裘金帶
珠寶俱入官 加宣鎮總兵官劉阿太都督同知
以保五臺縣功也

癸未

風霾

上召戶部尚書巴哈納等問曰各官俸銀用需幾何
應于何月支給大庫所存尚有幾何對曰俸銀支
於四月共需六十萬兩今大庫所存僅有二十萬
兩

上曰大庫之銀已為睿王用盡今當取內庫銀按旨
速給夫各官所以養贍者賴有俸祿耳若朕雖貧
亦復何損 諭吏部曰朕自親政以來觀天下所
以治安者關乎各部院雖自古無參用諸王之例
然聞我

太宗文皇帝曾設諸王于部院朕欲率由舊典復設
諸王因嘗思之在諸王雖甚勞苦然誠各殫厥職
矚剔庶務禁絕貪污修整法令俾上下利病不致
壅蔽利國家而致昇平莫此為要今特設和碩貝
親王于吏部和碩承澤親王于兵部多羅端重郡
王於戶部多羅敬謹郡王禮部多羅順承郡王于
刑部多羅謙郡王于工部多羅貝勒喀爾楚渾於
理藩院固山貝子吳達海于都察院諸王等其各
付朕罔理治安至意尔部即傳与各王知悉 轉
吏部右侍郎高尔傑為左侍郎仍兼都察院右付

都察院內秘書院侍讀學士調兵部右侍郎孫承
澤為吏部右侍郎仍兼都察院右都御史

乙酉

諭刑部戶部都察院曰朕于本月初六日親覽本
章廵視違日益為原叅荊州府推官劉祖生招罪
內稱祖生病故已服天刑因思天下之大罪囚之
斃于囹圄者不知若干人有死于疾病有死于飢
餓有死于刑拷甚至有死于官卒之虐害囚徒之
陰謀諸如此類不可枚舉朕心為之惻然是在府
州縣良有司濟以醫藥給以口糧非刑有禁凌虐

有禁四外交通毒謀陰害有禁督抚巡按時中
飭該道府親為清察該州縣有犯前弊久別叅處
庶獄囚之伏法而死者罪屬應死得其不至無故
而枉死者用昭朝廷法外之仁方今時侯向熱連
日風霾不雨前代常有熱審之例傳刑部通察刑
獄五城司坊順天府京縣察監犯無干牽連者即
日釋放笞杖徒流次第減免有死罪情可矜疑者
奏請定奪仰合

上天好生之德本日朕又親覽巡鹽御史崔胤弘章
奏曰思及各處報鹽課中常報有餘銀若干細思

鹽課正額自應徵解若課外餘銀非多取諸商則
侵剝于民大局弊改傳戶部都察院通行各鹽差
御史及各鹽運司止許徵解額課不許此外勒索
餘銀有貪縱御史及運司各官許商民指寔赴都
院首告審問確寔奏聞治罪用布朝廷恤商裕民
至意該部院刊刻告示通發京城內外及各督抚
巡按通傳道府州縣鹽運等官着寔遵行 宴厄
魯得喀尔喀部落使於礼部 遣官賫勅諭礼物
往召達賴喇嘛 備沅巡抚金廷献奏報湖南保
靖永順桑植茅岡大旺喇惹等土司各献輿畜版

冊及元明兩朝印式來歸乞授以原官頒發新印
下所司察議

丙戌

免直隸武強縣七年被災四百餘頃田地額賦

丁亥

都察院條議巡方事宜一按差之額數宜定直隸
督學一差江寧蘓松督學仍各為二差順天真定
巡按併為一差江寧蘓松淮陽巡按併為二差浙
江、西湖北湖南福建河南山東山西陝西四川
廣東廣西各為一差巡漕一差宣大一差甘肅一

差茶馬一差巡視兩淮兩浙長芦河東鹽政為四
差京通巡漕倉一差巡視五城為小差照資序酌
用一出差之限期宜俟御史一奉命點差應照主
考分考例迴避不見客不收書不用投用官辦員
役不赴宴會餞送願勅後三日內即出都門一在
差之負役宜禁入境之日止許自帶經承文卷書
辦所至府州縣所書辦八名快手八名事畢奉還
隨地轉換不許番按差書辦承差名色不許設中
軍聽用等官不許用主文代筆不許府州縣運司
等鋪設迎送一在差之事跡宜覈命下之日每一

一差立為一冊自出都以及入境凡一應條陳奉
劾勘報等事俱按日登記以憑考覈一差滿之期
俟宜定督學一差或三年或二年半俟歲考科考
一週乃得報滿巡漕監政一年交兌其餘大差中
差以一年六個月為期皆照例三月前報滿至于
聲望應褒溺戕當撤者不拘年月差回之日公同
考核三日內訂定優劣具疏奏請分別懲勸

上從之

戊子

一等阿達哈：番鍾農巴圖魯拜他喇布勒哈番

又一拖沙喇哈番卓爾賓巴圖魯拜他喇布勒哈
番額參白身德報復訴其登城功吏部以聞得旨
鍾農巴圖魯授二等阿達哈：番卓爾賓巴圖魯
授三等阿達哈：番額參加授拖沙喇哈番賜名
巴圖魯德報授拖沙喇哈番 加一等阿達哈：
番兼一拖沙喇哈番趙布泰為三等阿思哈：番
以其自訴官不酬功也

己丑

以希福為內弘文院大學士陸吏部尚書陳泰為
內國史院大學士內秘書院大學士李率泰為內

弘文院大學士內弘文院大學士彝完我為內國
史院大學士 陞侍讀能吐為內弘文院學士
調戶部尚書噶達洪為都察院承政戶部侍郎車
克為都察院叅政 以朱馬喇為吏部尚書雅賴
為戶部尚書譚布為工部尚書雅秦為吏部尚書
索爾果佟代俱為戶部侍郎竟羅阿克善為兵部
侍郎綽貝羅碩俱為工部侍郎 以馬希納為吏
部啟心部科爾科岱為兵部啟心部科爾坤為都
察院啟心部黃宮為吏部理事官趙固祚為戶部
理事官趙民里為禮部理事官克星格達來鮑敬

馬如鯨周濟新為兵部理事官海塔伍黑陳根泰
巴圖魯董式庫列文進為刑部理事官竟羅皮古
為都察院理事官桑兔為製造理事官 以鑲藍
旗滿洲固山梅勒章京藍拜為本旗固山額真正
黃旗烏真超哈固山塞稜鑲白旗蒙古固山甲喇
章京愛松古鑲藍旗滿洲古山竟羅蟒佳各為本
旗梅勒章京鑲白旗滿洲固山撒爾岱蘇丹科
退為擺牙喇甲喇章京正白旗蒙古固山阿濟圖
鑲白旗滿洲固山哈思漢正藍旗烏真超哈固山
佟學文為甲喇章京鑲白旗滿洲固山噶布什吳

蝦額格塞鑲藍旗噶布什吳蝦多內為噶布什吳
章京 增設吏刑二部各旗蒙古理事官工部各
旗滿洲付理事官各一員 禮部請定享

廟禮樂言大樂古作于門上今應作于廟內文舞武
舞俱宜全備樂章俱宜全歛樂器俱宜全用樂舞
生向定五百七十名今缺一百三十六名即宜補
足從之 又條陳學政六事一學臣報滿照例攷
覈公明者優陞溺職者叅處一科歲兩攷完日即
報部銓補新旧面相交代以杜署事諸弊一學臣
以到任日為始歲考限十二個月考完每三個月

解卷一次科考分四次解卷以憑磨勘所取生童
文字以純正典雅為主詭謬者本生褫革學臣叅
處四卷以下每一卷罰俸三個月五卷以上每二
卷降職一級十卷以上革職一生員不許聚眾結
社糾黨生事又濫刻選文憲稿犯者學臣以失職
論一教官生員不遵教條違法者學臣叅行懲究
若与武職兵丁有爭教官生員聽學臣處治不許
武官擅責武職兵丁該衙門處治不許生員結党
爭抗一學官不宜久缺失教抚臣務按缺題請下
吏部銓補其有不由科貢出身濫冒教職者一併

題明送部別用若署事教官止用本學及別學不
得巡委襍流從之 定公侯伯妻車制公妻車用
青帷項、四邊鑲綠、簷侯伯妻車用青帷項綠
簷 定侯伯扇制侯用二面貼金三尖月扇伯用
二面貼金大團扇月其滿官自牛录等品以上悉
用執事

辛卯

定王以上輔國公以上一月二次大朝照常集午
門內諸王朝房其五日朝期集太和門 以陣歿
二等阿思哈、番袁出克古英子垂奔故一等阿

達哈、番又一拖沙喇哈番升單弟子巴爾一等
阿達哈、番覺羅阿三孫屯各襲職 宴伊喇虎
克三喇嘛貢使于禮部

壬辰

遣監察御史張慎學巡按順天上官鉅巡按江寧
徽寧池太序鳳秦立禎巡按蘄松常鎮淮揚杜果
巡按浙江張嘉巡按江西聶玠巡按湖北王應元
巡按福建王亮教巡按河南馮石京巡按山東刘
達巡按山西王佐巡按陝西張璿巡視兩淮益課
潘朝選巡視兩浙益課楊義巡視長芦益課趙如

瑾巡視河東鹽課張中元巡視漕運定世戩官
員身故以其子職襲無子以親房兄弟襲戩諭
吏部以後選授縣丞主簿典史驛丞等卑官亦部
王及尚書寺酌量選授如此寺官員有犯名罪則
以奏聞

癸巳

諭各巡按監察御史曰朝廷遣御史巡方寺差原
為察吏安民向來所差御史受賄賂徇囑託自己
貪污何能察吏不能察吏何以安民茲新經甄別
留差各官何能盡粹白無瑕亦姑用以俟自新自

今以後必盡洗肺腑振作精神如都察院條奏禁
約一經差出即不見容不取書不用投送書辦員
役不交接宴會餞送一出都門時日不停沿途及
境內私書私餽一概不受又輪用府州縣書辦快
手事完祭回凡巡按舊書辦承差名色一概不面
不許設中軍所用寺官不許用主文代筆不許府
州縣運司寺官鋪設迎送不許假借公事混差員
役下府州縣不許挈訪不許拔富拔官諸如此類
難以枚舉巡方御史果能一遵禁約自然公生明
產生成地方利弊民生疾苦必能上聞大小官吏

必能潔己須設法的訪毋需憑府縣開報毋縱容
司道府廳而止叅州縣毋庇護大貪大惡而摘叅
老弱如此則何吏不察何民不安若提督巡撫提
兵等官有不公不法蒙蔽高擯縱兵害民縱賊殺
良等事許巡方御史即行糾拿若御史有故違前
項禁約許總督巡撫即行糾拿都察院堂上官尤
宜督責河南掌道等官時：察訪勿拘巡方月日
不待回道考覈有真心憂政先行奏聞特旨褒嘉
有不遵禁約納貪肆怠即先行叅劾撤回治罪另
差赴代庶不負朕治安天下至意各差御史將此

勅諭入境三日內騰黃刊刻每一司道發十張每
一府州縣各發十張遍示在城在鄉紳士人民通
知如不刊刻不遍示都察院察糾即以違旨論諭
畢

上復謂大學士陳泰學士馬爾杜王文奎能吐等曰
凡御史出差皆當陛見對曰誠如

聖諭臣等正欲奏聞

上又曰御史為朕耳目之司所以察民疾苦及有司
之賢不肖也臨差之時必令陛見朕將地方興利
除弊事宜面諭遣之使伊等得承朕諭始能勤修

職業卿等可傳知都察院令其以後遵行 轉戶
部右侍郎任濬為本部左侍郎總督倉場陞內翰林
國史院侍讀李呈祥為國子監祭酒 補原任禮
部左侍郎兼內翰林國史院學士胡世安原官

甲子

費雅納訴其祖無辜革職部議授拜他喇布哈番
從之 以軍功加拖沙喇哈番吳魯喀為拜他喇
布勒哈番 復畢力克高拜他喇布勒哈番又一
拖沙喇哈番加為二等阿達哈：番 以故二等
阿達哈：番喀爾占碩木子鄂木布宋善祖根特

襲職

乙未

以索尼無辜削職自

昭陵召還復為二等精奇尼哈番 授二等阿達哈
哈番達蘇為一等阿達哈：番 達賴喇嘛碩宴
汗各遣使貢方物宴賚如例

丙申

定和碩親王於午門前下馬多羅郡王於午門角
樓前下馬多羅貝勒以下俱于闕門下馬牌處下
馬 定外藩諸王坐褥与在內諸王制同 喀爾

喀部落烏巴什台吉厄魯得部落阿巴賴等貢馬
匹貂皮等物賞銀兩鞍轡緞布等物有差 復設
慶陽監課同知裁東路同知香河王日孫丞陽樊
駱丞各一員

戊戌

先是鎮國公聶克塞莽額克親子為嗣後曰額克
親得罪乃妄奏與額克親不協命降為輔國公罰
銀一十兩 朝鮮國王李淩遣陪臣劉廷亮等來
赴睿親王喪

上命禮部傳諭曰睿王特送已經下詔宣布想伊等

不知而來如知即當議罪其所贖禮物可令帶回
仍照例賜宴馳驛送出境外 贈山東陣歿署遊

擊吳應彩為叅將

庚子

宴喀爾喀部落北薩克高汗土謝高汗貢使于禮
部

辛丑

上以和碩鄭親王濟爾哈朗年老一切朝賀謝恩悉
免行禮

癸卯

定祭祀齋戒例凡祀

天地

太廟

社稷照例齋戒三日祭

歷代帝王照例齋戒二日此五祭或

上親往或遣官恭代俱於太和殿設齋戒牌位銅人
各衙門亦設齋戒牌不理刑名若有緊急事務仍
行辦理

大內及宗室并齋戒各官家不祀神如

上躬祀

天地和碩親王以下輔國公以上各在家齋戒陪祀

各官在部院衙門者于各衙門齋戒其不在部院
衙門者于金水橋兩傍齋戒如遣官代祀則

皇上齋戒諸王以下輔國公以上不必齋戒陪祀各

官寮戒如前如

上躬享

太廟祭

社稷

歷代帝王和碩親王以下陪祀各官以上俱于家
內齋戒如遣官代祀則

皇上齋戒諸王以下輔國公以上不必齋戒陪祀各官齋如前

上御太和殿賜碩雷汗子噶爾馬撒望台吉儲護爾台吉宴諭戶部曰滿洲出征陣獲人口各有至親骨肉今既天下一統誰無相見之思向日禁止不許歸家探望以致情迫勢極不能自己往之私自逃歸既去之後又恐法必不容多有不敢歸者不查則滿洲苦戰被獲人口豈可任其逃去一經查出收苗者又不得不坐以隱匿之罪朕心大為不悉爾部傳諭各固山陣獲人口如有愿歸探望

親戚者聽本主寬其假限前去如列地方借端生事許地方官依律治罪倘事干重大具詳解部審究其父母兄弟妻子有愿投入旗下同歸一處者地方官給文赴部上冊記著准其完聚以示獎滿漢一視之仁復鎮羌遊擊普典世襲指揮俞事職兵部言向以缺多人少將明季廢官及空加功級未經任事者权宜補用今查有投誠各官効力本朝著有功次應与分別錄用其未經宣勞立功并明季濫加虛銜及以賤罪廢棄者相應概不准用從之

甲辰

以殷達虎齊著有勤勞授拜他喇布勒哈番 覺
羅索散訴睿王草其覺羅為民吏部議還覓羅授
拜他喇布勒哈番從之

丙午

賞喀爾喀部落北薩克圖汗土謝圖汗首使銀壺
緞疋有差 陞南城營叅將高萬里為陝山孤山
付將蘓松鎮標付將高謙為陝西定邊付將宣府
右衛路付將顧重耀為江西南贛左協付將遵化
抚標叅將張德裕為江北狼山付將 吏部言旗

下子弟率多英才可備循良之選但學校未興制
科未行耳

光帝在盛京愛養人才開科已有成例今日正當舉
行臣等酌議滿洲蒙古烏真超哈各旗子弟有通
文義者提學御史考試取入順天府學鄉試作文
一篇會試作文二篇優者准其中式照甲第除授
職官則人知向學進取有階矣報可

大清世祖睿天隆運英睿欽文大德弘功至仁純
孝章皇帝實錄卷之五十六

順治八年夏四月丁未朔享

太廟遣固山貝子鞏阿岱行禮 遣多卜臧古西等
賚諭書禮物往召達賴喇嘛 以鎮國將軍穆臣
為輔國公

戊申

定諸王文武羣臣陪祀扈從及接

駕送

駕儀注一

上親祭

壇廟鹵簿大駕全設太樂設而不作教坊司亦設和
碩親王多羅郡王多羅貝勒各具朝服齊集朝房
候

上出宮俱詣午門內金水橋前分兩翼序立候

駕過以次隨行陪祭固山貝子以下及文武各官俱
先序立於祭所其不應陪祭各官俱朝服于午門
外分兩翼跪候

駕過祭畢

駕還諸樂俱作各官仍跪候

駕過諸王貝勒隨

駕入午門于內金水橋前分兩翼序立候

上入宮乃退一

上行幸隨

駕及留京和碩親王多羅郡王多羅貝勒各具吉服

齊集朝房候

駕出宮于午門內分兩翼序立

駕至金水橋俱跪候

駕過隨出留京固山貝子以下文武各官及隨行固

山貝子固山額真各具吉服于午門外常朝處分

兩翼序立

駕出午門俱跪候

駕過其留京諸王以下固山額真以上俱隨行候旨
乃回隨

駕燾章京梅勒章京甲喇章京等官各率本旗甲兵
於

駕出宮後擺列跪候

駕過各照旗接隊隨行

上還京諸王貝勒各具朝服于午門外角樓邊分兩
翼序立固山貝子以下及文武各官各具朝服于

午門外常朝處序立

駕至諸王以下俱跪候

駕過諸王貝勒隨入午門于內金內橋前分兩翼序
立候

駕入宮乃退一

上獵出師諸王貝勒貝子公等俱單身公翼隨
駕行有所

顧問策馬進稍後躬身奏對

上駐蹕諸王貝勒貝子公等朝見俱于百步外下馬
一諸王貝勒遠出遇有

上諭必出營跪接設香案行一跪三叩頭禮宣諭畢
行一跪三叩頭禮一

上行幸從行諸王俱始

欽定地方森集候

御前鹵簿及諸王貝勒貝子公寺蝦負過畢各按旗
分翼隨行各大臣遇

上命隨行遇有所諭即策馬稍後躬身奏對

上駐蹕諸臣朝見俱于二百步外下馬一諸王以下
固山額真以上諸臣如

上命坐俱按品行一叩頭禮畢乃坐一

上命出師至

堂子行礼燹章京梅勒章京各率本部官兵俱于

駕出門外擺列出師及留京諸王貝勒各具吉服齊

集朝房候

駕出宮于午門外分兩翼序立

駕至金水橋俱跪候

駕過隨出其出師及留京貝子公固山額真條旗護

衛擺牙喇俱于東長安門外分兩翼擺列由京文

武各官俱其吉服于午門外常朝處分兩翼序立

駕出午門跪候

駕過其長安門外擺列具子公固山額真等俱跪候
駕過按隊隨行一

上詣

堂子行礼諸王貝勒貝子公及固山額真等官俱隨
入行礼畢出師諸王貝勒貝子公固山額真起行
駕還留京諸王貝勒貝子公固山額真俱隨還午門

外序立各官俱跪候

駕過諸王貝勒隨入午門于內金水橋前序立候

上入宮乃退一大閱諸王貝勒貝子公等各按旗傳
令兵馬擺齊隊伍畢部臣奏請閱營

上遍閱諸王貝勒貝子公等各率本旗官於跪候

駕過歸本隊立如

上召見率領額定侍從人員朝參

上還宮若命隨行仍率領額定人員隨行否則各從

本隊而還 定三大節禮儀每遇元旦冬至

皇太后儀仗全設于

皇太后殿前

上鹵簿大駕全設于太和殿前

皇后儀仗亦全設是日

皇上

皇后詣

皇太后宮

皇太后陞殿

皇上

皇后先行禮畢還宮公主和碩福金以下固山額
真精奇尼哈番尚書以上命婦俱詣

皇太后前行慶賀禮畢隨詣

皇后前行禮

上于

皇太后前行禮畢還宮陞太和殿鳴鐘鼓作樂諸王

文武百官行慶賀禮平西定南靖南平南四王及
續順公各省直文官知州以上武官守備以上各
差官進慶賀表箋

皇太后聖誕儀仗全設

皇太后陞殿

皇上

皇后先於

皇太后前行禮畢還宮公主和碩福金以下固山額
真精奇尼哈番尚書以上命婦俱詣

皇太后前行慶賀禮

萬壽聖節函簿大駕全設

上先詣

太廟行禮隨詣

皇太后前行禮畢陞太和殿鳴鐘鼓作樂諸王文武百官行慶賀禮平西定南靖南平南四王及續順公各省直文官知州以上武官守備以上各差官進慶祝表

皇后千秋節儀仗全設先詣

皇太后前行禮畢還宮公主和碩福金以下固山額真精奇尼哈番尚書以上命婦俱詣

皇后前行慶賀禮

己酉

上御太和殿召見巡按各省御史賜坐諭之曰朕命爾等巡按各省原為生民計也爾若果能公廉自天為朕受忝斯民使享太平自當陞賞若貪婪害民必治罪諭畢賜恭遣之夜有流星大如拳青白色尾跡有光起於宿東南行

庚戌

遣官祭五岳五鎮四海四瀆及歷代帝王陵寢並祀

先師孔子於闕里 禮部言

聖駕出都行幸行在地方官例進御膳等物

上曰進獻禮物出自民間若民進奉于礼不合今後
永不許進 南贛巡抚劉式元奏報送賊閩王穩
羅榮流突度境付將楊遇明率官兵進勦斬榮等
下所司 授通議拜他喇布勒哈番萬塔石拖沙
喇哈番以其効有勞績也

辛亥

駐防河間牛采章京碩爾對碩爾對以戶部諸臣
給餉不均于駐防滄州西白旗兵丁則給餉不絕

於駐防河間兩黃旗兵丁則屢請不奏訟尚書覺
哈納噶達洪雅賴侍御碩詹王国光車克祝世胤
啟心即布党額者庫碩色穆臣等下法司鞫問擬
巴哈納阿附睿王曾拏令隨侍

皇上乃依戀不去又將庫內金珠玉帛等物盤送睿
王府中又私厚兩白旗兵丁給餉不絕故意困苦
兩黃旗兵丁竟不予餉應論死籍沒噶達洪雅賴
不行奏聞應各削一拖沙喇哈番碩詹王国光車
克祝世胤布党碩色穆臣穆臣附和巴哈納不行
給餉碩詹王国光應革職籍沒家產一半車克布

党應草賊籍沒按披甲例量給家產祝世胤應草
賊籍沒家產三之一碩色應草賊鞭一百穆臣
應草賊鞭五十議上命免巴哈納死仍草賊併解
尚書固山額真牛录任籍沒家產三之二碩詹
草賊併解侍郎梅勒章京牛录任贖身免其籍沒
王固光草賊併解固山額真牛录任贖身免其籍
沒車克草賊併解梅勒章京牛录及部任籍沒家
產一半布党草賊併解部任籍沒家產一半祝世
胤草賊併解梅勒章京牛录及部任贖身免其籍
沒噶達洪雅賴各罰銀五十兩碩色草賊鞭一百

折贖穆臣免草賊鞭五十折贖次日尚書宗室赫
岱等入奏事

上以前諸臣罪俱係巴哈納所為命削碩詹車克王
固光兩個前程贖身車克併免籍沒仍各留原任
壬子

設刑部獄司醫生一名医治病囚 定各直省鄉
試差規順天江南付正主考浙江、西福建湖廣
正主考差翰林官八員浙江、西福建湖廣付主
考山東正主考差科官五員山東付主考山西正
付主考河南陝西正主考差光祿寺少卿一員吏

禮兩部司官各二員河南陝西付主考四川廣東
正付主考廣西雲南正主考差戶兵刑工四部司
官各二員廣西雲南付主考貴州正付主考差行
人二員中書評事各一員各衙門堂印官慎選開
送如應差八員者陪送十六員禮部會同內院吏
部閹定正陪疏請簡命其已充會試房考鄉試主
考者不得重送順天府考聽吏禮二部選用餘省
聽各巡按御史選用閹定內簾 予故戶部侍郎
馮杰祭瘞如例 陞新平路叅將中軍守備董天
擊為湖廣掌印都司大同聚落城守備郭大思為

福建掌印都司 贈陣沒厄布根扎素爾拜他喇
布勒哈番

癸丑

禁和碩親王以下及官民人等帽纓擅用絲線衣
物辮襪鑲邊擅用鵝黃柳黃色 定行軍律凡和
碩親王多羅郡王多羅貝勒固山貝子公等臨陣
如七旗王貝勒貝子公等敗走一旗王貝勒貝子
公等迎敵保全七旗將敗走七旗下七牛录人員
給與迎敵者如七旗王貝勒貝子公等迎敵一旗
王貝勒貝子公等敗走將此旗所屬人員分給七

旗如一旗內半戰半敗即將敗走者所屬人員給
與力戰者有雖未對敵屯劄別所無罪者上不分
其旗卽給與此無罪王貝勒貝子公等其對敵一
旗王貝勒貝子公等另行賞賚七旗無倫一旗王
貝勒貝子公等首先對敵亦按功績大小陣獲多
寡行賞其野戰時對進兵王貝勒貝子公及各大
臣不按隊伍輕進或見敵寡不加詳審妄自衝突
者奪其所乘馬匹併所獲人口凡臨陣對敵必整
齊隊伍各按汛地從容前進如不按汛進共隨別
單隊伍及離本隊混入別隊并衆進獨退者或處

死籍沒或革職折贖各按法治罪如敵人不戰而
遁遣兵追勦務選精兵驍勇往擊之其固山額真
纛章京等勿得馳進宜率領旗纛分隊以踞其後
倘我追兵遇敵伏兵或遇敵兵從旁遮擊固山額
真纛章京必親臨擊之起營時務各按牛录旗纛
整齊隊伍方行有取遺忘物件妄自往來行走及
酗酒者責治之出城之後固山額真梅勒章京纛
章京牛录章京各戾屬所部勿令諠譁如有違者
卽行治責軍行時有擅離旗纛者卽送本固山額
真軍前罰銀三兩失火者斬披甲兵監甲各帶號

票盈兩傍用圓鉄葉廝卒衣帽上帶號票軍器自
馬絆以上俱書姓名馬匹繫字牌押號印倘馬匹
無印罰銀二兩箭上無字罰銀十兩給擒獲者如
不能出銀鞭三十盜犯鞍轡等物者始竊盜例鞭
責如乘夜追兵令士卒各誌本旗牛录勿得吹號
違者治罪行軍時有一二人擅離營伍搶掠被殺
者即將被殺之人妻子入官仍治該管官罪勿得
擅毀廟宇妄殺平人拒抗者剿戮歸順者叔弄毋
掠取人衣毋折離人夫婦毋令俘獲之人看守馬
匹諭兵部曰凡願兵將帥務平定地方以全生

靈炭飭兵將勿得肆行搶掠果能受我良民得免
禍難自有陞賞倘故違軍法縱兵將肆行搶掠不
久良善妄指為賊者財肆殺必治重罪 草山東
久守東兗道付使劉可徵賊坐貪婪虧損行戶指
勒平民提贓貯庫不行申報故也 草福建分地
福寧道僉事潘映委戕以疎防城陷故也

甲寅

特恩晉固山貝子屯齊為貝勒

乙卯

上出安定門行獵是日駐蹕沙河

丙辰

上駐蹕昌平州

丁巳

上駐蹕榆林

上召固山額真公譚泰諭之曰冷僧机引多尔博見朕及出冷僧机奏言兩旗大臣原誓立肅親王為君睿王主立皇上雖將多尔博破格寵顧何足以報又請息遇羅什後羅什奏云睿王以冷僧机為安達厚加寵遇陛下亦當眷顧爾譚泰可傳諭貝子錫翰此是何等言語朕豈不能隱惡事下法司

於是法司傳集固子鞏阿岱錫翰固山額真尚書公譚泰內大臣西訥布庫巴圖魯詹蘇章京熬拜巴圖魯宜爾德議政大臣哈錫屯巴哈蝦坤巴圖魯等訊鞠據供我等立誓但云若換

朝廷宮殿瓦色變易旗幟我等即死于是部擬誓立肅王之事既涉于虛冷僧机以毫無影响之事獨行入奏誣罔大臣罪一

上命巴哈、什屯賴他庫問冷僧机此言或尔自奏或

上問及尔當寔對冷僧机乃將先行誣奏大臣之言

稱為無有詐偽轉變罪一冷僧机叶哈屯同至睿
王睿王言其决拾敝壞冷僧機輒言啟

上即製二枚送來乃于

上未賜給之前冷僧機私送二枚此非欺罔

皇上自希寇愛乎罪一冷僧机取

朝廷商人馮大格之白狼裘不以進

上乃稱為已有而獻之睿王罪一坐是冷僧機應斬

籍沒妻子入官議上得旨冷僧机理應處斬念其

前事姑免死為民其家產止始披甲例給与餘俱

籍沒 夜月暈太微垣在暈内

戊午

上駐蹕土木驛

已未

上駐蹕雕窩堡厄魯得部若諾木齊台吉等進駝馬

宴賚如例 以上

昭聖慈壽皇太后尊號礼成遣官祭

福陵

昭陵

四祖陵

辛酉

上駐蹕赤城 廷試天下貢生方學舜等一千七十
二名 以內翰林弘文院學士王文奎為兵部右
侍郎兼都察院右付都御史總督漕運巡撫鳳陽

壬戌

上駐蹕獨石口

癸亥

上駐蹕俄倫土魯

孝端文皇后忌辰遣官祭

昭陵

甲子

上駐蹕上都 平西王吳三桂疏請入覲許之

乙丑

陞禮部理事官恩固泰為本部侍郎 以喀齊喀

巴圖魯為兵部理事官舒淑為禮部理事官隋達

為工部理事官巴賽為刑部理事官 以正藍旗

滿洲固山杭札圖為擺牙喇甲喇章京滿洲固山

趙善烏真超哈固山張朝璘為甲喇章京

上以內三院大學士品級既與尚書同遂命學士品

級與侍郎同每院添設侍讀學士三員秩三品裁

額者庫哈番各三員

丙寅

翁牛忒部落杜梭郡王等朝行在賜宴厄魯得部落屠尔古特博地蘇克等進馬賞銀幣等物 和碩親王世子富尔敦薨時年十九謚慈厚

丁卯

上駐蹕塔爾虎杜梭郡王進駝馬賜甲冑弓矢蟒衣

緞疋

戊辰

賞扈從官兵馬各一日生暈青赤白色良久方散

上駐蹕俄尔峒

故明崇禎妃尤氏卒命殯葬仍搭

与太監守坟

庚午

巴林部落固倫額駙色布忒郡王等朝行在賜宴免朝鮮額貢黃柑柚石榴 命故靖南王耿仲明子繼茂襲爵

辛未

上還次上都河

壬申

上駐蹕俄尔峒河 增偏沅抚標兵三千名合額設

兵一千五百名分爲三營駐沅州

癸酉

色布忒郡王土噶特部著古魯格各進駝馬等物
賜甲冑弓矢鞍馬有差

甲戌

烏朱穆秦部落車臣親王等進駝馬賜銀四弓矢
等物

丙子

嵩齊特部著博羅忒額爾德尼郡王等朝行在賜
宴是日賜扈從諸王貝勒駝馬有差

卷五十六終

